

SAN MARTIN

La Uniun di Seniors da San Martin y d'Antermëia inviëia düc al referat „Papa Francesco: un anziano rimasto giovane“ cun don Paolo Renner, che cuntará dl papa y de so spirit inovatif y uman, en lönesc, ai 8 de ma, dales 15.00, tl Istitut Ladin a San Martin.

La Uniun di Èi da San Martin inviëia düc i èi en sabeda, ai 13 de ma, ala prozesciun a Neustift che pëia ia da Porsenú (Acquarena) dales 21.00; al vá ia na coriera che passa ia dala burcia da Picolin dales 19.20; prenotesse cina en jöbia pro Leo 348 40 96 351.

I Seniors da San Martin é dër bel invia cun i seniors da Lungiarü y d'Antermëia ala jita de ma a Maran l'atra jöbia, ai 18 de ma; *ciarede dessot*

LUNGIARÜ

La Uniun di Èi da Lungiarü inviëia düc i èi en sabeda, ai 13 de ma, ala prozesciun a Neustift che pëia ia da Porsenú (Acquarena) dales 21.00; al vá ia na coriera che passa fora dala burcia da Picolin dales 19.20; prenotesse cina en jöbia pro Leo 348 40 96 351.

Le KVV Lungiarü vënn ciüf por la festa dla uma en sabeda sëra do mëssa y la domënia do mëssa, ai 13 y 14 de ma. Ci che é gnü ite l'ann passé é gnü ofrí por la festa di iubilars.

I Seniors da Lungiarü é dër bel invia cun i seniors da San Martin y d'Antermëia ala jita de ma te Vinschgau, l'atra jöbia, ai 18 de ma; *ciarede dessot*

Les Uniuns di Seniores da San Martin y d'Antermëia y da Lungiarü inviëia ala jita te Vinschgau l'atra jöbia, ai 18 de ma, jon a vijité le museum dla ferata a Rabland, a marëna tla Forst a Algund y domisdé a fá na spazirada a Maran sön le Tappeinerweg. Le cost é de 15 euro porom, la marëna se paia vignun instës. I piun ia da Lungiarü dales 7.15 da San Martin dales 7.30. Prenottesse pro Alfred Ploner 333 36 54 786 o Annelies Schanung 346 35 87 173 / 0474 590 067 cina ai 15 de ma. Gnide tröc, i se fajun deboriada n bel de.

La Musiga da San Martin inviëia düc i amanc de musiga al concert d'aisciöda en chësta domënia, ai 7 de ma, dales 20.00, tl gran salf a San Martin. I ves aspetun cun ligrëza!

La Cassa Raiffeisen Val Badia inviëia düc i scholars, geniturs, familiars y insegnanc ala premiaziun dl 47° concurs internazional de dessëgn Raiffeisen en dedolönesc, ai 9 de ma, dales 11.15, tl gran salf dla palestra a San Martin.

La Spona a Pidrô inviëia al de dla porta daverta „30 agn sön tru deboriada“ en mercui, ai 10 de ma, cun n program che vá dales 9.00 ales 14.30: salüt y retrovijiun; teater di assistis; bufé ti grups, presentaziun di salfs de laur y dla comunité d'abitaziun, films y fotos y i.i.; dales 10.00-12.00 dá Manfred Marcher informaziuns sura l'integrasiun.

Terza y ultima consulënza sura le monn dl laur cun Giorgio Costabiei en dedemesa-ledema ai 10 de ma, dales 15.30 - 17.00 tl zënter dla jonëza Saj.un a La Ila, alzada-2 (impede la incuntada di 5 de má). Info Sorvisc ai Jogn 0474 523 070.

Le Sorvisc ai Jogn Val Badia chir voluntars da daidé pro la "Festa di mituns 2017" ai 11 de messé, dales 09.00 - 17.00, o ince ma mez le de. Chi che ess interes pó cherdé sö 0474 523 070 cina ai 27 de ma (dal lönesc ala jöbia dales 08.00 – 12.00 y 13.00 – 17.00).

Baratada ciüf ai 10 de ma dales 20.00 tl salf stödafüch a S. Martin. *Ciarede plata nr. 22*

Les Patrones dl Comun da S. Martin inviëia al curs da cují cun drap jersey por progredis en vëndres y en sabeda, ai 12 y 13 de ma, dales 10.00 le pröm de. Referenta é Evi Mück. Prenotaziuns pro Loise 0474 590 026.

Peregrinaje dles Patrones dl Raiun de Puster en dedolönesc, ai 16 de ma, a Mühlwald. An s'abina dales 13.30 a Mühlwald. Picia spazirada saurida sö dala dljia de Santa Gertraud y dailó dales 14.00 mëssa. Dedô ciafarunse n bun domisdé tl salf dles manifestaziuns a Mühlwald. Se prenoté pro Rita 333 78 74 347 cina en vëndres, ai 12 de ma.



www.unitepastorla.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

07.05.17 – 14.05.17 nr. 24

termo da publiché: jöbia 20.00
radio: 90,40 / 93,70



CUARTA DOMËNIA DE PASCA – A

Vangele: Jan 10,1-10

Amen, amen, i ves diji: ... Chël che va da üsc ite é le famëi dles bisces.

Le portinà ti deura y les bisces ascuta süa usc;

al chërda les bisces che é sües, vignöna por so inom y les condüj fora.

Do ch'al à parè fora dötes sües bisces, ti val danfora, y les bisces ti va do; deache ares conësc süa usc.

⁷Gejú ti à dit inant: Amen, i ves diji:

Iö sun l'üsc da i jì pormez ales bisces.

Düç chi che é gnüs dan mè ê leri y lotri;

mo les bisces ne i à nia ascutè sö.

Iö sun l'üsc;

chël che passa da mè ite gnarà salvè;

al jarà ite y fora y ciafarà pastöra.

Incö nes dij Gejú nia ciamó

che êl é le bun famëi,

mo al nes dij naota val' d'important.

Al dij che êl é l'üsc,

y ciamó denant, che êl é le portinà.

Le portinà mët averda che che vá ite y fora, che che pó ester ghest de ciasa.

Gejú n'é nia zite, al ne chir nia fora cai che pó passé y cai nia.

Al se confrontëia se instës cun n üsc, na entrada, n post da passé, na poscibilitè da rovè ite.

Pormez a ci podunse pa rovè?

Chël che passa tres me, se delibrëia da vigni stlavitú,


passará cun liberté ite y fora y ciafarà pastöra,

n post da se sté bëgn y nudrimënt por corp y anima,

na vita buna, plëna y rica.

Gejú é l'entrada tla vita en abundanza, tla liberté, tla vita cun êl tla contentëza.

Ci fortüna da podëi créie te n te Dî!



*Passé por chësc üsc pó ince dí:
Tó la crusc söles sciabiles.*

	SAN MARTIN	LUNGIARÜ	 Gran incuntada de döta la valada por s'arjigné ca ala vijita pastoral a cun le vicar general siur Eugen Runggaldier 
07.05.17 4^a DOMËNIA DE PASCA -A <i>De mondial de oraziun do vocaziuns</i>	8.40 Prozesciun de S. Florian a Picolin 9.30 Gran Mëssa a d'intenziun di Stödafüch dl ann + Tone Tolpeit 14.30 Prozesciun da San Linert a Oies por vocaziuns 19.00 Corona de ma sö Ju	7.55 Corona 8.15 Gran Mëssa 14.30 Prozesciun da San Linert a Oies por vocaziuns 15.00 Corona tla Capela da Seres por vocaziuns da prou	I mëisc d'otober y novëmber vëgn le vësko Ivo Muser a vijité nosta Unité Pastoral a cun sües ploanies. Adöm cun sü colauradus jaräl plü sot te trëi tematices, döes de chëres che gnará da nostes propostes: en sabeda, ai 13 de ma dales 8.30 – 12.30 tl Istitut Ladin a S. Martin. Al é n'incuntada cun döta la jënt, cun düc chi ch'á interes. Al é dërt sc'i portun ite nostes propostes, nostes idees, nüsc bojëgns. Porchël, tolësse dlaurela y gnide. Plü ch'i sun y plü ch'i arjunjun.... 100 AGN FATIMA Dan 100 agn, ai 13 de ma 1917, ti é Santa Maria aparida ai pici famëis da Fatima – Lúcia dos Santos y a Jacinta y so fre Francisco Marto – y i â invié da perié tröp y da gní dailó vigni mëis. Insciö éra jüda inant cina ai 13 d'otober, olache Santa Maria ti é comparida por l'ultimo iade ai trëi mituns, se presentan sciöche “Nosta Signura dl Rosare”. Milesch de porsones â odü en chël de le “miraco de sorëdl” che ê gnü anunzié danfora. Fatima é gnü un di maius santuars de Santa Maria olach'al vëgn perié dër tröp.
08.05.17 Lönesc <i>Ulrike, Friedrich</i>	19.30 Corona de ma a Picolin	20.00 Corona de ma tla capela de S. Ujöp	
09.05.17 Dedolönesc <i>Beat, Tarejia</i>	9.00 Confesciun mituns 1^a comuniun 19.30 Mëssa famiars de Sepl Flöss + Pire Tavella		
10.05.17 Dedemesaledema <i>Gordian, Epimach</i>	19.30 Corona de ma a Bioch 20.00 Corona de ma sö Frëina	7.30 Mëssa dl ann + Davide Daporta + Guido Clara	
11.05.17 Jöbia <i>Walter, Iachin</i>	7.30 Mëssa de rengraz. fam. Frenner, Lovara + Rita Penazzi Viesi + Giovanni Tavella, Prousch Tor Corona por vocaziuns	20.00 Corona de ma fora dala Grota	
12.05.17 Vëndres <i>Pancraz, Imelda</i>	18.30 Adoraziun chîta 19.00 Adoraziun deboriada	7.30 Mëssa + + Maddalena Clara y Daniele Dapoz + Ida Clara Verginer	
13.05.17 Sabeda <i>Santa Maria da Fatima, Servaz</i>	15.30 Mëssa tla Ciasa de Palsa 18.30 Mëssa prefestia en onur de Santa Maria da Fatima + Rita Pizzinini + + Fonjo y Milia Zingerle CONSACRAZIUN AL S. CÔR IMACOLÉ DE MARIA	20.00 Mëssa prefestia de reng. fam Pire Clara + + Carlo Planatscher + Rita Penazzi	
14.05.17 5^a DOMËNIA DE PASCA -A <i>De dla Uma</i>	Festa dla Pröma Comuniun 9.30 Ingres te dlijia cun i Comunicanc Mëssa dla Pröma Comuniun 19.30 Corona de ma sö Ju	7.55 Corona 8.15 Gran Mëssa 15.00 Corona tla Capela da Seres	